

ایکینجی سنہ

نومرو : ۱

خزینہ اوراق

تاریخ ناسیسی

۱ مایس سنہ ۱۲۹۷



مؤسی

محمود جلال الدین



تاریخ طبع } ۱۳۵۸
و نشر } ۱۳۵۹

بو رسالہ ادبیہ جمعہ ایرتسی کونلری چیقار

قریم تاریخندن مابعد

آئی سر رشته ایدوب ایپراطور ایلدی عسکری سوق ثغور
 یکدی نر پروتی بی پروا نقض عهدایتدی اودمده زبرا
 کردی افلاق ایله هم بغدانه ملک مسورت شه دورانه
 نه جسارت بونه حال و حرکت دولت ایلر می قبول شرکت
 یقندی بنیان اساس عهدی هرج و مرج ایله دهری جهدی
 پروتستو اولتوب کیفیت شاشدی بوجالنه دیگر دولت
 یازوب اطرافه بتون کذب صریح یکده بر دانه دکل ایدی صحیح
 حیلہ سی غالب اولوب عسکرینه قوللانور خدعه یی طوغری برینه
 منبع مفسدت دشور افکن مبدأ ملعنت وعهد شکن
 مشربی سفک دمانه مائل بروقت حقنه اولمز قائل
 وزن صلحی اکا بوزمق عادت ایلز عهد شروطه رغبت
 کیمده قوت واریسه حقلی اودر اعتقادنده انک طوغری بودر
 اینسه بر مملکتی استیلا یغار اول بلده یه باران بلا
 زور ایله ایتمش اها لیسنی رام زیر دستنده اولان بی ارام
 ملکه اوراق حوادث قویمز بر وقوعاتی اهای طویمز
 سربسیت نه دیمک حریت اکلامز بیلز آئی اول ملت
 یوقدر اول فرقه ده انسانیت ایتمز او ملکه اصلا نیت
 اشته روسیه لونک افعالی حیللادن خالی دکل هر حالی
 بولسه بر دولتک اقبالی کمال یوز طور اولغه مقرون زوال
 بحث دیگر او خصوص اصل مرام غرضم وقعه یی ایتمک افهام
 حاصلی مملکتین استیلا حاصلی مملکتین استیلا
 اولتوب ایتدی تعجب دنیا اولتوب ایتدی تعجب دنیا

انکلیز دولته بشقه زمین قوللانوب ایلمش اول تأمین
 ایدوب اولوجهله تصدیق امید پارلمنتوده اولوب گفت و شنید
 وکلادن کیمی روسی حامی یعنی درک ایلمن انجاسی

اکثریسی اکا ناقائل اولوب طرف سلطنه مائل اولوب
 معدن عقل وزکا پارلمستون یعنی اول ذات نباهت مرهون
 ایلیموب مجلسه رأین ایسا قارشو کلمش سده بعض اعضا
 صولک دمنده اوله جق ایشلری هب سویلیوب هم دخی کو ستردی سبب
 اوله رقی بحث وجدال طول و دراز مسئله صکره چتالندی براز
 قیل و قال اولمش ایدی برخیلی چوغنک قالدی روسده میلی
 دنیلوب دولت اسلامده حق
 اتفاق ایلک الزم مطلق

پارسک مجلس عظمه ماسنده بوکا دائر سخن اشناسنده
 ایدی حشمتلونا پولیون بالذات حقمن اولدیغنی روسک اثبات
 عسکری مملکتینه کیردی اشته حربه سبب ویردی
 سیف تقریر ایله کسیدی ایدی مجلس اربابنک عقلی یادی
 در عقب ضمناً اوایی دولت ویره رک بربرینه امنیت
 ایلیموب اینجه دوغما ترتیب جانب بحر سفیده قسریب
 کلدی بشکره لشکر ایدی صاللانوب ایش برازنده یادی
 روسدن سلب اوله رقی امنیت
 احتیاط اوزره اولندی حرکت

بعد ازین پادشه ملک و ملل ویردی شمشیر غزایه صیقل
 ربط قلب ایلدی حقه حقا دینی ایتک ایچون احیا محضه
 حفظ ناموس ایله استقلالی کوزه دوب شوکت ایله هر حال
 عن صمیم ایلدی حربه نیت حاصل اولمش ایدی مجبوریت
 احتیاطاً اولوب اقدام کثیر شان شاهانیه شایان تدبیر
 حضرت حقه توکل ایدرک فخر کونینه توسل ایدرک
 اختیار ایلدی بو غائله بی زائل ایتمکک ایچون هائله بی

بیوروب امر جهادی تصمیم
 اولوب اطرافه اوامر رقیم